

# CYPE(6)-17-23- Papur i'w nodi 1

**Senedd Cymru**  
**Welsh Parliament**

Y Pwyllgor Plant, Pobl Ifanc ac Addysg

Y Pwyllgor Cydraddoldeb a Chyfiawnder Cymdeithasol

At: Gweler yr atodiad

22 Mai 2023

Annwyl gyfaill,

## Bil Mudo Anghyfreithlon Llywodraeth y DU



Fel y gwyddoch o bosibl, cyflwynwyd Bil Mudo Anghyfreithlon Llywodraeth y DU ("y Bil") yn Senedd y DU ar 7 Mawrth 2023. Mae'r Bil yn ceisio newid y gyfraith mewn perthynas â'r rheini sy'n cyrraedd y DU yn groes i fesurau rheolaeth ymfudo, o ran eu cadw a'u symud naill ai yn ôl i'w mamwlad neu i drydedd wlad ddiogel.

Cyflwynodd Llywodraeth Cymru Femorandwm Cydsyniad Deddfwriaethol sy'n nodi bod angen cydsyniad Senedd Cymru ar gyfer cymalau 19 ac 20 o'r Bil. Mae'r Memorandwm wedi cael ei gyfeirio at nifer o bwyllgorau'r Senedd ac mae'r llythyr hwn yn cael ei gyhoeddi ar y cyd gan y Pwyllgor Plant, Pobl Ifanc ac Addysg a'r Pwyllgor Cydraddoldeb a Chyfiawnder Cymdeithasol. Wrth i'r Pwyllgor ystyried ei ymateb i'r Memorandwm, hoffem eich gwahodd i roi tystiolaeth ysgrifenedig ynghylch eich safbwynt chi o ran cydsyniad deddfwriaethol.



Nodwch nad yw'r Pwyllgor yn trafod dadleuon ehangach ynghylch rhinweddau'r ddeddfwriaeth, neu fel arall, ar hyn o bryd, gan nad ydynt yn faterion datganoledig. Gofynnwn yn garedig felly i chi ganolbwyntio, yn eich sylwadau, ar y darpariaethau penodol y mae angen cydsyniad arnynt (h.y. cymalau 19 ac 20). O ystyried nad oes llawer o amser ar gael i'r Pwyllgorau drafod y Bil hwn, byddem hefyd yn pwysleisio'r angen am gynildeb, ac mae rhagor o fanylion yn yr atodiad am sut y dylech ymateb. Yn benodol, byddai gennym ddiddordeb mawr mewn clywed eich barn am y canlynol:



**Senedd Cymru**  
Bae Caerdydd, Caerdydd, CF99 1SN

 Cysylltu@senedd.cymru  
 0300 200 6565

**Welsh Parliament**  
Cardiff Bay, Cardiff, CF99 1SN

 Contact@senedd.wales  
 0300 200 6565

- trosolwg byr iawn o'ch barn am y Bil;
- unrhyw bryderon sydd gennych mewn perthynas ag effaith y Bil ar: blant ar eu pen eu hunain sy'n ceisio lloches yng Nghymru, gan gynnwys a oes gennych unrhyw bryderon am y trefniadau presennol ar gyfer y plant hyn;
- unrhyw oblygiadau a ragwelir yn sgil y Bil ar asesu anghenion a darparu gofal a chymorth o dan Ddeddf Gwasanaethau Cymdeithasol a Llesiant (Cymru) 2014;
- a yw'r Bil yn gydnaws â Mesur Hawliau Plant a Phobl Ifanc (Cymru) 2011, gan gynnwys pa effaith y byddai'n ei chael ar y dull 'plentyn yn gyntaf, ymfudwr yn ail' sy'n sail i'r cymorth a roddir i blant sy'n ceisio lloches yng Nghymru;
- unrhyw bryderon sydd gennych ynghylch y Bil a'i gydnawsedd â hawliau'r Confensiwn.

Mae amser yn holl bwysig o ran y mater hwn, ac felly mae'r Pwyllgor yn gofyn i chi sicrhau y daw unrhyw ymateb ysgrifenedig i law erbyn 1 Mehefin 2023 fan bellaf.

Yn gywir,


Jayne Bryant AS



Cadeirydd y Pwyllgor Plant, Pobl Ifanc ac  
Addysg

Senedd Cymru

Jenny Rathbone AS



Cadeirydd y Pwyllgor Cydraddoldeb a  
Chyfiawnder Cymdeithasol

Senedd Cymru



## Atodiad 1

### Sut i roi eich barn

Anfonwch eich ymateb mewn neges e-bost at [seneddcydraddoldeb@senedd.cymru](mailto:seneddcydraddoldeb@senedd.cymru) a [seneddplant@senedd.cymru](mailto:seneddplant@senedd.cymru) erbyn dydd Iau 1 Mehefin 2023 fan bellaf.

Mae gan y Senedd ddwy iaith swyddogol, sef Cymraeg a Saesneg. Yn unol â Chynllun Ieithoedd Swyddogol y Senedd, mae'r Pwyllgor yn gofyn i ddogfennau neu ymatebion ysgrifenedig i ymgynghoriadau y bwriedir eu cyhoeddi neu eu defnyddio yn nhrefodion y Senedd gael eu cyflwyno yn ddwyieithog. Pan na chaiff dogfennau neu ymatebion ysgrifenedig eu cyflwyno yn ddwyieithog, byddwn yn cyhoeddi yn yr iaith a gyflwynwyd, gan ddweud eu bod wedi dod i law yn yr iaith honno'n unig. Rydym yn disgwyl i sefydliadau eraill weithredu eu safonau neu eu cynlluniau eu hunain a chydymffurfio â'u rhwymedigaethau statudol. Gweler y canllawiau ar gyfer y rheini sy'n [cyflwyno tystiolaeth i bwyllgorau](#). Sicrhewch eich bod wedi ystyried polisi'r Senedd ar ddatgelu gwybodaeth cyn cyflwyno gwybodaeth i'r Pwyllgor.



## Atodiad 2:

### Rhestr o ymgygoreion

Cymdeithas Cyfarwyddwyr Gwasanaethau Cymdeithasol Cymru;

Barnados (Gwasanaethau eirioli annibynnol mewn perthynas â masnachu plant);

Sefydliad Bevan;

Y Groes Goch Brydeinig;

Arolygiaeth Gofal Cymru;

Comisiynydd Plant Cymru;

Plant yng Nghymru;

Y Tîm Cymorth Lleiafrifoedd Ethnig ac Ieuentid;

Comisiwn Cydraddoldeb a Hawliau Dynol;

Hafan o Oleuni

Y Gwasanaeth Eiriolaeth Ieuentid Cenedlaethol;

Uned Mewnfudo Strategol Cymru;

Cymdeithas Llywodraeth Leol Cymru;

Cyngor Ffoaduriaid Cymru;

Women Connect First;

Voices from Care.



